

財政公報

總理遺像



中華民國十六年八月一日

國民政府財政部發行

第一期

廣告價目

每頁四分之一收費大洋三元
八分之一收費二元全頁
照伸概以一期計算如欲登
長期廣告者請至本部總務
科面訂

中華民國十七年二月一日出版

第六期

價目 每冊大洋二角

編輯所

國民政府
財政部總務科

發行所


財政部總務科公報股

印刷所


南京宜春閣印刷局

地址 廣藝街南口
電話 城內一八四

國民政財部次長就職典禮攝影一百



中華民國財政部次長代表駐英公使館全體職員合影



●錢代部長就職宣言

父老苦財政紊亂久矣 永銘服務銀行垂十五年裕厚民生夙懷斯願今值新都肇建內治根本厥惟財政 永銘忝代部務屢辭不獲既感遭際益切惶悚

先總理民生主義注重節制資本扶助農工兩端而其理財方針旨在發展國民經濟藉以增進國富 永銘不敏常懷斯義惟吾國財政之整理非僅注意於國計所能爲功必致力於民生以發展社會之經濟而後可茲于就職之時畧貢數語聊與邦人商榷焉

制賦之道貴得其平吾國稅制往往富民稅輕貧民稅重不平孰甚自應本公平原則爲革新稅制之準繩各地苛細雜捐及節節留難之釐金凡與平民生計有妨者固當設法減免即所得遺產奢侈等稅凡足爲調劑貧富之用者亦應賡續仿效他如實行清丈按照地價高下改訂田賦科則爭回稅權分別貨品性質改定海關稅率既係羣衆所渴望尤應乘時以推行此其一

制用之方貴有常經現在興師北伐軍需浩繁分配經費自難衡以常軌將來大局漸定當按列邦通例歲入之內釐定政費幾何軍費幾何社會救貧費復有幾何以注重民生之精神爲支配經費之標準此其二
出納之職貴乎謹嚴舊時財政之紛亂會計失實爲其主因於歲入隨官吏之寬嚴爲贏絀於歲出視人情之厚薄爲等差長此不改流弊滋多嗣後財務之施行應以編訂預算爲前提核實收支爲中樞審核決算爲後勁出入有定程權責有專屬庶免混淆之弊得收明確之效此其三

出入有定衡一遇匱乏惟舉債以彌之此內外所從同舊時各債種類既多條件亦酷間有基金不固之債券流通市面其爲障礙夫豈淺鮮將來整理之方究採何種制度尙待研究惟舊時合理之內外債務自當分別整理以求金融之鞏固此其四

機杼脈絡得收貫輸之功者實惟銀行舊時銀行爲外商設立者既處特殊之地位爲華商設立者復多紛雜之情狀自應修正銀行條例第一步使內外銀行同受法令之取締第二步使華商銀行本其設立之意各就地位以謀正當業務之發展至國際匯兌銀行勞工銀行農民銀行既爲時勢所需尤當多方提倡以促農工商之發展此其五

金融爲財政之命脈而幣制尤爲金融之主腦舊時主幣成色既多參差輔幣價格復有高下咸與社會經濟有妨目前治標之計暫用銀本位制主幣檢定成色以保信用並改兩爲元以圖劃一同時詳定輔幣辦法使與主幣相輔而行期收整齊劃一之效俟至大局統一再參酌列邦新例改定本位制度藉圖國際貿易之興盛此其六

以上六端或係治本之方或僅治標之策畧陳梗概以告邦人若以爲六端不謬則將循此計劃採財政公開之原則以殖增進富國之基礎艱鉅勞怨在所弗辭昔

先總理有言從事於革命者皆以誠摯純潔之精神戰勝其所遇之艱難至理名言 永銘 服膺有素願與邦人相見以誠各加奮勉以盡所應盡之責斯固國家財政前途之幸也

●國民政府財政部發刊財政公報緣起

治國之要首重理財財裕則百事舉財竭則百事廢所以使之裕使之竭者在理財者之得法與否得法則裕不得法則竭得法雖多取之民衆自不以爲虐不得法即寡取之民衆方且以爲苛然則何謂得法何謂不得法得法者必先謀財政上之統一量入爲出確定預算決算之標準然後嚴行監督其用途務使財不虛糜功歸實際爲國家節省一分浮濫即爲民衆減輕一分負擔故今之各省財政長官聚首一堂首在建設廉潔政府舉凡從前一切中飽陋規必掃除盡淨更定有明確之系統以排除一切障礙而利進行其餘如從前不當之稅收亦必澈底改革或有立時不及改革而仍然存在者以暫時短少收入即影響支出是以姑仍其舊一俟確定改革辦法即行裁撤且此後收入其用途必本

先總理取於民衆者還用於民衆之意旨而實行之良以民衆有納稅之義務即有享受之權利民衆得有享受之權利民衆即樂盡納稅之義務民衆既樂盡納稅之義務則財自豐裕無慮枯竭歐美諸先進國稅收雖重而民不怨者蓋以此也不得法者反是故今日之財政處處謀公開使一般民衆咸能瞭然於財政上之收入財政上之支出無絲毫中飽無絲毫濫用特以公報彙總而公開之以公報類別而比較之由彙總類別公開比較而謀盡善此所以有財政公報之組織也但少數人之心思才智極有限欲廣益必先集思圖遠舉必策羣力尤願國內外財政專家不時予以指導使辦法日日有所改進至爲厚幸焉

●國民政府財政部財政公報發刊辭

民國成立冉冉已十六年矣溯自袁氏竊權中原鼎沸官僚軍閥狗苟蠅營取無度而用無窮如是欲財源之不竭民生之不困豈可得乎今幸我義師颺舉救民於水火之中不一年間東南底定國都肇建庶政刷新本部承

先總理之遺訓規劃進行首在改造以清宿弊癥結不除病烏能愈財政方針務求與國有利與民有福凡與此旨相合者興之相背者廢之庶與民生主義並行不悖欲重民生首蘇民困此蓋本部所認為整理財政之第一步

雖然方今外患未已內亂未除非從澈底改革不足以謀統一惟是軍政時期軍需浩繁一切開支不能按諸常度於此而欲重民生蘇民困殊未易言所冀國人能忍一時之痛以期北伐功成須知我國民政府統一全國之日即苛捐雜稅永遠廢止之時嗣後財政處置咸集於建設之一途將由訓政而進於憲政時期痛苦乃去幸福自增既富既庶其轉瞬間乎

至論本報刊行之旨趣舉其犖犖大者計有四端一曰刊布方針公諸全國凡捐稅之興廢預算之增減政策之設施以及其他一切財政上之改革務使民衆明瞭政府之用意此其二二曰收支公開以期共曉凡政府之收入與支出皆列表說明俾取之於民者而民知其用途一掃昔日賬目祕密之積弊此其三三曰彙集公牘便於稽考來往公牘爲數繁多擇其要者分門別類彙集而刊布之欲查舊案一閱公報即應手可得較之

散漫完善必多此其三四曰集思廣益以求改善一部之人才有限而一部事務綦繁凡有關於財政上應興應革之建議不背乎

先總理之宗旨者皆所樂予刊布以求研究改善之方此其四凡斯四者皆本部引爲改良財政之急務亦即本報發刊之旨趣也

命令

●國民政府令 天字第 號

令代理財政部長古應芬

任命古應芬代理財政部部長此令

中華民國十六年五月十一日

中華民國
國民政府印

●國民政府令 天字 第九號

令財政部次長錢永銘

任命錢永銘爲財政部次長此令

中華民國十六年五月二十六日

中華民國
國民政府印

●國民政府令 天字第 號

案准

令財政部次長錢永銘

中央政治會議議決代理財政部長古應芬未到任以前所有部務由次長錢永銘暫行代理等因仰即遵照此令

中華民國十六年五月二十八日

中華民國
國民政府印

●國民政府指令 天字第七號

令代理部務財政次長錢永銘

呈一件爲呈報五月二十六日宣誓就職請備案由

呈悉准予備案此令

中華民國十六年六月二日

中華民國
國民政府印

●國民政府財政部令第三號

茲派沈澤春爲蘇州關監督此令

中華民國十六年六月二日

國民政府
財政部印

●國民政府財政部令第 號

茲派成本樸爲南京下關掣驗局局長仰即前往接事妥慎辦理並將接事日期具報本部查核此令

茲派何家駒充江蘇印花稅處副處長會同該處處長負責辦理該處一切事務此令

茲派湯濟滄爲江蘇沙田局副局長會同該局局長負責辦理該局一切事務此令

中華民國十六年六月三日

國民政府
財政部印

●國民政府財政部令第七六號

茲派譚兆鰲爲江浙漁業局事務局局長此令

中華民國十六年六月十一日

國民政府財政部
印政府民

●國民政府財政部令 第八十號

茲派習文德爲本部駐皖特派員管理該省國家稅一切收入事宜此令
中華民國十六年六月十四日

國民政府財政部
印政府民

●國民政府財政部令 第 號

茲派段士璋爲淮北鹽運副使此令

茲派沈景圻爲上海各交易所監察員此令
中華民國十六年六月二十三日

國民政府財政部
印政府民

●國民政府財政部令 第 號

茲派李蟠爲本部駐閩特派員管理該省國家稅一切收入事宜此令

茲派沈毓麟爲上海禁烟局局長此令

茲派徐希麟爲福建禁烟局局長此令

茲派李國鳳前往安徽接辦烈山煤礦事宜此令

中華民國十六年六月二十四日

國民政府財政部
印政府民

●國民政府財政部令第九六號

安徽財政廳長派周雍能先行代理此令

中華民國十六年六月二十五日

國民政府財政部
印政府民

●國民政府財政部令第一百七十九號

福建財政特派員李蟠面請辭職應照准改派鄧剛接充除呈請簡派外仰即先行到差此令
中華民國十六年七月四日

國民政府財政部
印政府民

●國民政府財政部令第一八三號

茲派王鶴齋爲松江鹽運副使此令

中華民國十六年七月十三日

國民政府財政部
印政府民

●國民政府財政部令第 號

茲派吳文龍爲安徽禁烟局局長此令

茲派郭泰植充任蕪湖關監督除由部先行令委外仰即前往接替並將接事日期具報查核此令

中華民國十六年七月十八日

國民政府財政部
印政府民

●國民政府財政部令第一八九號

茲派馬翰中爲安徽全省菸酒事務局局長除由部先行委任外仰即馳往接替並將接事日期具報查核此令

中華民國十六年七月十九日